



ՄԱՍԼՈ ՀԱՂՈՐԴԱԳՐՈՒԹՅՈՒՆ

10 մայիսի, 2017թ.

ք. Երևան

ՀԿ-ների մասին նոր օրենքի վերաբերյալ դասընթաց՝ Շիրակի մարզի ՀԿ-ների համար

Հաշվի առնելով հասարակական կազմակերպությունների (ՀԿ) գործունեության իրավակարգավորմանը կոչված օրենսդրական վերջին փոփոխությունները, մասնավորապես՝ «Հասարակական կազմակերպությունների մասին» ՀՀ նոր օրենքի ընդունումը, որով պայմանավորված անհրաժեշտություն է առաջացել ՀԿ-ների կանոնադրությունները համապատասխանեցնել օրենսդրական նոր պահանջներին, Իրավաբանների հայկական ասոցիացիան Եվրոպական միության կողմից ֆինանսավորվող «Կառուցողական երկխոսության հանձնառություն» ծրագրի շրջանակներում այսօրվանից մեկնարկեց ՀԿ-ների համար անվճար դասընթացների անցկացումը նոր օրենքի լույսի ներքո:

Առաջին դասընթացը տեղի ունեցավ Գյումրիում՝ Շիրակի մարզի 23 ՀԿ-ի մասնակցությամբ: Դասընթացը անցկացրեց Իրավաբանների հայկական ասոցիացիայի նախագահ, ծրագրի ղեկավար Կարեն Զադոյանը, որը կարևորելով ՀԿ-ների մասին նոր օրենքը, մինչև ժամանակ ընդգծեց դրանում տեղ գտած որոշ իրավակարգավորումներ, որոնք ՀԿ-ների կողմից չիմանալու և չկիրառելու դեպքում կարող են վերջիններիս համար առաջացնել բացասական իրավական հետևանքներ: Որպես խնդրահարույց դրույթներ կարելի է առանձնացնել ՀԿ-ների վերակազմավորմամբ գրանցման, կամավորական աշխատանքի, անմիջական ձեռնարկատիրական գործունեության հետ կապված խնդիրները:

Բացի այդ, Ասոցիացիան իր՝ Երևանի և մարզային մասնաճյուղերի միջոցով անվճար խորհրդատվության մատուցումից զատ, ՀԿ-ներին օժանդակելու է նաև իրենց կանոնադրությունների և այլ իրավական փաստաթղթերի՝ օրենսդրությանը համապատասխանեցնելու գործընթացում:

Համանման դասընթացներ նախատեսվում է անցկացնել նաև Երևանում, Վանաձորում, Գավառում և Կապանում:

Կառուցողական երկխոսության հանձնառություն՝ ծրագիրն իրականացվում է «Իրավաբանների հայկական ասոցիացիա» ՀԿ-ի կողմից՝ գործընկերներ՝ «Ագորա Սենթրլ Յուրոփ» ՀԿ-ն (Չեխիա), Ժողովրդավարական կրթության հայկական կենտրոնի (ՄԻՎԻՏՄԱՍ), Մարդկային զարգացման միջազգային կենտրոնի, ՓՄՁ համագործակցության ասոցիացիայի և Հայաստանի համայնքների միության հետ համագործակցությամբ:

Ծրագրի հիմնական նպատակն է մեծացնել Քաղաքացիական Հասարակության Կազմակերպությունների (ՔՀԿ) ազդեցությունը հանրային քաղաքականության մշակման գործընթացում, ինչպես նաև ուժեղացնել Հայաստանում քաղաքացիական հասարակության կազմակերպությունների ներուժը՝ ոլորտային կոալիցիաներ կազմելու, կենտրոնական և տեղական իշխանությունների հետ համագործակցությունը զարգացման համար: Ծրագիրը ունի դրամաշնորհային բաղադրիչ, որի շրջանակներում ենթադրամաշնորհներ կտրամադրվեն քաղաքացիական հասարակության կազմակերպություններին և քաղաքացիական հասարակության կազմակերպությունների կոալիցիաներին: Ծրագրի թիրախային ոլորտները 9-ն են, այդ թվում՝ արդարադատությունը, կրթությունը, բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրազեկ է, իսկ նրա իրավունքները պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Լրացուցիչ տեղեկությունների համար կարող եք դիմել աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>, էլ. փոստ՝ info@armla.am:



Ծրագիրը ֆինանսավորվում է Եվրոպական միության կողմից: Հայաստանում Եվրոպական միության պատվիրակություն
Հեռախոս՝ +37410 54 64 94
Հեռապատճեն՝ +37410 54 64 95

Իրավաբանների հայկական ասոցիացիա
Հասցե՝ Նալբանդյան 7, բն. 2 Երևան, Հայաստան, 0010
Հեռախոս՝ +37410 54 01 99
Հեռապատճեն՝ +37410 58 02 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոտո-հատու, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանձապատկանները, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: